

Zomite Kumsim Gualnopna Pawite(Festivals)

By Site Admin

Wednesday, 11 March 2009

- **Thang Siangh**

N

ote: Pawi(festival) cihpen Zokam hilo hi. Kawlkam aa kingah ahi hi. Khangluimi zawdeuhte in cilo hi. Mopi, Mosagawh, Omkhawm, Ankuang-umkhawm cih bangin kizang zaw hi. Sih ciangin Sih cilo-a, Siphual, Simun peuh kici zaw hi. Khuado-pawi, Sialsawm-pawi kicilo-a, Khuado Lawma Sialsawm-Lawmanne kici hi. Zomite in kumsimin Gualnopna-pawi pelhlo-in nihvei kinei hi. Kh Lawmanne leh Sialsawm-Lawm anne kici hi. Hih Lawmanneekna pen Sanggam kikaihkhopna hunhoif hi-a, Ngeina limci-ngeina hoih mahmah ahi hi.

Tualbawl kici Tualbiakna.

Khuasaat ciangin, kimawksaat lo hi. Siampi, Hausa, Taangko, Tuinaakkhuat, Tualteek, Tualt Siikseek leh Khuangtum a omlohin khua kisaat ngeilo hi. Tuikhuukkhuatte kisawl masa a, tuihoih tu amuh ciangin khuasaat kipan uh hi. Amasa penin Khuasiam ding, ahuu akeem ding sapna kibawl a, pen Tualbawl, Tualbia kici hi.

Tualbiakna dingin vok zang uh hi. Tualbiakna pen Khuataangpi aa hi-a, lawhta-in zu kidong Tualbawlna Vok leina ding lawhta mahin an dong uh hi. A beikhempeuh taangpi sikh ahi hi.

Khua dingin gamtak leihohina kizuan a, a lauhuai sapite leh dawi leh kau , gulsia tangsiate , ngia vompil sahange, pulnatna tuamtumte nawkkhakna panin ahung-akeem dingin Asiam ahi Khuasiam masa hi. Khai cihpen bia, lungkimsak, thoih cihna hi. Tua pen Tualbiak-pawi kici hi. Tualbiak naseq Sialsawm Lawmanneek kizom tawntung hi.

Tua Biakna ah khuamite cidamna dingleh kithutuahna ding, guahtui hoihna ding, ankung sisia lungnote a omlohna ding, gah leh paak hohtak aneihna dingin kingen hi.

Zehtang.

Tualbiakni zingciangin Zeh tang uh hi. Lo kikuansak lo hi. Leigil suaksak lo hi. Singno leh lopahing si lo hi. Kahna leh gamlumna bawlo hi. Kahna cih ciangin misi aneih uleh tuani-in guilo hi. Gualnopna khuang leh zam gingsak lo hi. Zehphi ci-in thukham palsat a om ciangin guahtuiluan hoihlo hi. Ngalf in lolai ankungte nawksia thei hi. Khuasung thusia-lasia piang thei hi. Pulnatna tuamtum in nawk hi. Tua ahih ciangin Zehphi a omleh a beikhempeuh loh sak hi. Tualbiakna bawlpha kik hi.

Tualbawl-khasung or Sialsawm-lawmanneek kha huamsungin samante pen Sawngman kici hi. Sawng luup hi. Sawngla sa-in laam uh hi. Siampipa in tuipih aa, Sawngmanpa leh khua-leh-tui daupaina di Khuasiam tungah ngen uh hi. Hun ciangtan sungin Sawngman a omleh Khuasiam lungdam hi, ci-ir uh hi.

Sialsawm Lawm-an.

Nidanglai-in Sialsawm Lawm-an pen lopawi man ciangin kihih tawntung hi. Guahtui luandan zui-in lo ahihmanin kumkhat leh kumkhat kibanglo thei hi. Bekthamlo-in Simlam leh Zolam aa teengte khuapaidan kibanglo aa, khua khatleh khat kituak theilo hi. Ahih hangin Khangthakte in kumpi naseemte sangnaupangte kimhun tawh kituak dingin April kha kipatlam hih dingin kipsak uh hi.

Khuado Lawm-an.

Khuado Lawm-an pen anlak khit ciangin kibawl hi. Khawhsa kaikhawm khinphet ahih ciangin zu leh tawh kidiah pikpeekin kibawlzo hi. Kumpi naseemte leh sangnaupangte kimhun October sangkhak : kingim hi.

Ih Pu ih Pate pen Biakna leh Ngeina tawh tonkhawmin nakalsuan uh hi. Ahih khempeuh pen Biakna t kitukkalh saklo uh hi. Asiam leh a Biakna mangngilh ngeilo uh hi. Khuado Lawm-an pen Sialsawm Lan an mah tawh a paidan kibang hi.

Meilah saatni.

Khuado Lawm-an kiginni pen Meilah saatni or Dai-an bawlni ci uh hi. Zununsung or omkhop hunsung ding meilah pua hi. Tuinak kipuah hi. [Han,than, san,khan] Han kipuah aa Khasapna kinei hi. " A si hong ciah un, a hing kha hong ciah un, zu leh sa neding hihang," ci-in lobuuk suangthute saatp khasam uh hi.

Khuailaa, Tang'suak.

Khangluite in Khuai pen thupiseh mahmah hi. Khuaipei leh khuaiwahte a zu kine hi. Khuai vom, khua cihte zong singheng sungah kua a, laa-in innah khawi uh hi. Tuat zong a zu kinenam mah ahi hi. Tungalthen pen a no kine hi. Tua khuai a mute in lopadawn tumzial vilvel a, ciangkang khattawh kawks ciamteh hi. Kuaman suksak ngamlo hi. Khuaino pen Khuado-hunin taksa-in pikim a, neektak mahmah hi.

Khuaihawite in lakleh aih thua thei uh hi. Khuai-aite asih ciangin siluangbawkw thote pen khuai bengkhiat sak hi, ci uh hi. " Kha kapham ciang vaitho hung ding vahkhuai nangma thu hi aw," Khuaila nangawnin nei hi.

Khuai-ai nuamte in Khuado Dai-an bawlni ta-in khuaila uh hi. Khuamial khit ciangin kilangam panbe A ainuam aa khuaila ahihle, khuang,zam, daktal phiit, leh Khangno Taangsuak ding honkhat t kuanpah hi. Khuai khau ci-in khauhual saumahmah pua uh hi. Khuangmai aa daktal tur zaamzawngte leh khuangtumpa longal khuai khau lenin pai uh hi. A kihalna kibangin len uh a, a langkhat ah meilah dekim uh hi. Guideudeu-in meide-in pai uh hi. Phiitem kawmin khuang leh zam t innlamzuanin ciah uh hi. Khuasung gamlum suah mahmah hi.

Inn ngakte in zubeel gual aa, tuileihsa-in nangak uh hi. Zu taksa pawlkhat zong taubeelpi sungah hi. Khuaino puapa a mai-ah hong masa hi. Zamzawngte in zom hi. Daktal tumpa in zom leuleu hi. khit ciangin khuangtumpa leh mipi in hong zom hi. Innngakte in a tungmasasa-in zu natulh hi. Inn

kimkot tuangdung dongin laamsum pimpemin laam uh hi. Zanthapai-in khangnote gualnopa hunbekmah om a, Khuado hun a tunkaal kingaklah mahmah hi.

Khuangtumpa mai-ah pasalno khat in daktal mong,mong,mong, ci-in ging vangvangin tum hi. Da ging zaksimin Khuado kiphawk mahmah hi. Khualai-ah a veng a vengin Khangnote giahna Sawm l hi. A nopcipen munah kituah uh hi. Zanthapai-in Khuado-la leh Khuai-la sa in khangnote gualn mahmah hi. Khuasungbup gamlum hi.

Kauhawl.

Pansikni or Neekpini zingsangin kau hawl uh hi. " Dawihaang ciah oo, kauhaang ciah oo, nazun na namsia ei, nani cing ei, nakha cing ei, nakhualam zuan oo" ci-in tuga heiga tawh bangsak bangkl saatin hawl uh hi. Kongbiang a tun ciangin a tuga tawh pheiden ek mawk hi. Thau neite in thau t kaap uh hi.

Ih Pu ih Pate in Dawibia icih hangin Dawi hawlkhia thei mawk ahih ciangin amau lungsimtawngah sangaa golzaw khat abia aa kinei hileh kilawm hi.

Lawm-an ne dingaa kikaihkhopna.

Lawm-an ne dingin mikhempeuh kikaikhawm uh hi. Abawngbawngin, a khil a khilin omkhawm ul Dai-an bawlni zingtungin Uupipa or Bangkuapipa pen inntuamsa innlak sanggamte kiangah banh kawikawi a, thu-zasak hi. Sanggam bucingte pen nopci mahmah hi. Zing-an neek khit cia kikaikhawm uh a, an aneih bangbang tawiciat uh hi. Mihon tawmte in vok luangkhat a tampiant luangnih bang go thei uh hi. Khuado-vok gul ding kiseh uh hi.

Ei Zomite ngeina-ah Zozu pen cikhum bawngnawi taangin kizang hi. Pawlkhat khaihin ne hi. Pawlkt pen pengbulhin ne hi. Anneekma sungteng khaihsa-in ne uh a, anneek khit gualnophun leh lasak ciangin beel angkuahin peengnek uh hi. A hawmmasak pen innkuan kim naungeek dongin tahn kipi A nethei nailote in ama ngaih khat hawh hi. Tua pen zuhawh kici hi. Hawh cihpen ama neektangin n cihna hi. Amau mintapte hawhdiak uh hi. An a neek ciangin asasin sangoite kiciamkim sak uh l ngahlo om hiam, ci-in kantel vilvel uh hi.

Anneek man ciangin Mokhak numeite amau-nualam ciatah ankhoh-in vak tek uh hi. Nungak tan lawmngaih neite Zawl-an kikhoh sak hi. Ankhoh aa vakkhiate hong tunkik hun khuamui kipan philhp pawl khawngin tangzang khat in beelpei sungah vut luakin dim a, innlim laizangah koihin meiphual s meilah vak hi. Khuang leh zam pusuahin lasak pan uh hi.

Sialsawm leh Khuado hunsungin sanggam ngaihna la, Nu leh Pa ngaihna la leh nungak tan kilamnaihna zawlla ngentang sa uh hi. U-nau sanggam tengmah kikawi-in la kipaihpaihi mai uh a, Ki leh sanggam khualna khang mahmah hi.

Thang Ho leh Lian Do te hunlai-in Khuado omkhoh ngeina neikhin uh hileh kilawm hi. Khuado madeu Lian Do si hi. Thang Ho daihawhin pai hi. La khat suut a,

- a. Do nalitlit do nalitlit e gual in kumkhua do nalitlit e [Do naliingliing do naliing ee]
- b. Gual in kumkhua do nalitlit e Do khan ah nau bang vakap ing e.

Mihing kikhohna tam leh kiphawkna kingaihna zong lian hi. Lawm-an pen sanggam kimuhna kikaihkhopna hoihpen ahi hi. Pakzat seemseem lozaw a, puahphat ding leh thupibawl kik dingin mahmah hi. Tuhun pen omkhopna-hun haksa mahmah hi. Mikhempeuh tangpek nuam uh hi. Sangga omkhawm liailiaite pen a kingaite ahi uh hi.

Zomite zatdan tatdan ngeina pawlkhat.

Kawl huzaap tawh Pawi ichi pen, Mizo huzaaplam aa omte in Lawmh cileuleu se hi. Zokam taktak t Ai kici hi. Zomi a tamzaw in Ai sangin Pawibawl, Lawmh ci uh hi. Zokam zong damdamin kinelhsi mangmang hi. Innthak ai cih sangin Innpawibawl ci uh hi. Molawm, innlawmh peuh cimai ul Nauminphuak ichi pen zong, naulawm, naupawi bawl ci uh hi. BA ai cilo-in BA lawmh ci sese ul Midangte huzaap in hong zolua ta ahih manin ei kam pen a nuam nawnlo bang hong himawk hi.

Nauminphuak.

Namdangte huzaap hong lutma-in, Zomite in Nausian kici hi. Tuhun ciangin naupawi-bawl cilel ul Zomite nausuah ciangin bangkua-siampi zangin naumin pen tuiphih uh hi. Pasal ahileh pianna Pu tar hi. Numei ahileh pianna Pii tamsak hi. Azomzomin pasallam leh numeilam kihawm suk ngiatngic khangsimna-in kinei hi.

Naumin pen Mizote leh Kawlte bangin utpeuhpeuh phuak mawklo uh hi. Minnei dingte dong masi Naumin phuahna[minlawhna] ganno khat bangkua siampipa go sak hi. Tua pen inntek khawisa ganr hamtang ding hi.

Tuiphih ding zu beelta-in luup hi. Siampipa in phuisam kawmkawmin zu leihleih hi. Zuleihna tui kita leh, hoih ei, ih nau pen cidamin mapai ding hi, ci hi. Amin pulakin zu teepin tuiphih hi. Huihlai kiphikhia hilel napi, a tuiphih-pai pailo cih theise uh hi. Minphuahna ganno go mleuleu a, a sil akeeng kisaan keuhkeuh , a sin leh a gilzangte kilamdan enin, naungeek mailam masuan ding thei genkhol thei hi.

Naumin tangte in Nausiatna [nausian] ci-in ak ahi-a, vok ahi zongin ahihzawh zahzah gan peuhpeuh zangin antawi pia uh hi. Nausian kici omkhopna pen a nuampen omkhopnanam ahi hi. Nau phuahna munah gamlum lua kideihlo hi. Khuang leh zam tat nuamlo uh hi. Gamlum lua leh naukha kici hi. Naupang kilatin zawngkhal aa cidamlo hi, ci uh hi. Ih Pu ih Pate pen zehtan thukhamteah mahmah hi. A up leh a biak khatpeuh tungah paubanna neilo uh hi.

Min a phuah ciangin numei leh pasal hangin buailo hi. Amin kilawh phetin numeimin leh pasalmin kil pah sinsen hi. Amau phulkhak gentheihna leh nopsaknate naumin panin kimu khia thei hi. Tuang acihleh minuamsa hi ei, ci-in kimu pah hi. Vung Dah Ciin acihleh hehlehdah thuak ngeite hi, ci'n k thei hi. Ciin Za Khup acih ciangin numei hi a, Cin Za Khup acih ciangin pasal ahi hi. Lia leh Taang t buai ngeilo hi.

Naucing Guai.

Tuhun bangin Nursinghome , Childcare cihte omlo hi. Inntuancil ahi lukhatlaite in innpi leh a Pute k khawngah nau kha uh hi. Sanggam haute in nau thum ciang bang cing thei hi. Bawngnawi cikhum (kigalmuh ngei nailo ahihmanin naungeek-anin kawlkai-em leh taangzuha kizang hi. Lawki-hunin nei aa kipan Zozuha tawh kikhangkha hi. Zu zong munkhempeuh ah siakhin lo hi. Zangsiam leeng : hoihpen leh anhoihpen ahi a, khengvalzat kha leeng a siahuai pen gal leh gu ahi hi. Pilna tawh zat ku

Amau hunin zuha piazote hampaha kisa mahmah hi. Naungeekte cidamin dawng tiltel hi. Kawlkaipi : anhoih mahmah ahi hi. Neu ngaihsut huailo hi. Tua bang teng tawh naucingte in nau nakhoi uh hi.

Naucingte pen zahtakin mai-et mahmah kul hi. Nau ii nuntakna buppi a cingte khutah om hi. Neek dawn lim zawdeuh amuh ciangin naucingte ciamsak hamtang uh hi. Naucingte zong kisathe i a, kha baih mahmah hi. Tuhunin zong Nuteek naucing naneih uleh neuseh kha kei un.

Naucing guaina pen anlim mawkmawk tawh hithei lo hi. Saseh, ak cihbang kizang ngamlo hi. Gan lakah a neupen vok tuli sangin neuzaw lo hi. Naukha khempeuh kikumin thakhatin naucing guai thei hi. Salim pen leh zukhum pen tawh naucing kiguai hi.

Pute Tukzukulh.

Ih Pu ih Pate in zahtak-tuakte zahtak a, pahtawi huaite pahtawi uh hi. Pute zahtak pen Pasion de tawh kituak ahih ciangin cidamin khansau hi. " Pute leh lamphung kineh zolo" cih Paunak on Naupangte a damloh ciangin Pute kiangah hawhin an kinesak hamtang hi. Tua pen gau-an kha ci u Pute kisamsia nuamlo hi. Pute tawh thu kinei nuamlo hi. Pute kikhasia sak nuamlo hi.

Khawhsa an lakkhit phetin Pute Tukzu kikhoh masa pen hi. Tuhun Christian te in Thanksgiving a bang ahi hi. Taangzu, buhzu zukhum pen leh aneihleh sapum zong go uh hi. Tukzu pen kiim leh paa zong pawm a, zupinung uh hi. Zutaak [zukhaih] a, zucil kaimasa pen dawh a, inntekpu piamasa l zudawn masak pen valhpah lo hi. Zutui phihin phuisam hi. Tukzu khol a tutet thupha namkim nge hi. Cidamin khansauna ding, sumnu-sumpa amuhna ding, bangkua kilemna dingin ngen hi. omkhopna sungah Pute pahtawina la a tampen kisuut hi.

- a. Kei ka Pute sen aa ka Pute ningzu bang khum thei naleng nuampeng puh sak vang e
- b. Nuampeng phuh sak vang heisa bang paal thei naleng kapaal losak vang e.

Thang Siangh - zogampalpi@yahoo. com

Source: ZONET - www.zomi.org

Read other articles by the same author/more news in: [General Articles](#)

Views: 6



Comment Here

Write Comment

ZOGAM.COM™ do not endorse the views expressed in the comments. Please read our Disclaimer a well.

Please keep the topic of messages relevant to the subject of the article.

Personal verbal attacks will be deleted.

Please don't advertise your sites or products here. Such material will be removed.

Name:

PAUL KHAIPU

BBCode:



Comment:



Send

We are not responsible for all the comments.

ZOGAM.COM-Comment System 2008

[Close Window](#)